


Edukasyon sa Pagpapakatao

Ikalawang Markahan -Modyul 21: Ang Aking Mga Kaibigan



Edukasyon sa Pagpapakatao – Ikawalong Baitang
Alternative Delivery Mode
Ikalawang Markahan – Modyul 21 - Ang Aking Mga Kaibigan
Unang Edisyon, 2020

Isinasaad sa Batas Republika 8293, Seksyon 176 na: Hindi maaaring magkaroon ng karapatang-sipi sa anumang akda ng Pamahalaan ng Pilipinas. Gayunpaman, kailangan muna ang pahintulot ng ahensya o tanggapan ng pamahalaan na naghanda ng akda kung ito ay pagkakakitaan. Kabilang sa mga maaaring gawin ng nasabing ahensya o tanggapan ay ang pagtakda ng kaukulang bayad.

Ang mga akda (kuwento, seleksyon, tula, awit, larawan, ngalan ng produkto o *brand name*, tatak o *trademark*, palabas sa telebisyon, pelikula, atbp.) na ginamit sa modyul na ito ay nagtataglay ng karapatang-ari ng mga iyon. Pinagsumikapang matunton ang mga ito upang makuha ang pahintulot sa paggamit ng materyales. Hindi inaangkin ng mga tagapaglathala at mga may-akda ang karapatang-aring iyon. Ang anumang gamit maliban sa modyul na ito ay kinakailangan ng pahintulot mula sa mga orihinal na may-akda ng mga ito.

Walang anumang bahagi ng modyul na ito ang maaaring kopyahin o ilimbag sa anumang paraan nang walang pahintulot sa Kagawaran.

Inilathala ng Kagawaran ng Edukasyon

Kalihim: Leonor Magtolis Briones

Pangalawang Kalihim: Diosdado M. San Antonio

Bumuo sa Pagsusulat ng Modyul

Manunulat:	Marlon A. Oposa
Editor:	Emelinda L. Raza, Mark Lorenz C. Luib
Tagasuri:	Elizabeth Ysulan, Rashiel Joy F. Lepaopao, Jezzine F. Salar Judith E. Ecoben, Megie M. Lillo, Jhon Rey C. Clarion Linda T. Geraldino, Jezzine F. Salar, Concorde Albert J. Deniega Judith E. Ecoben
Tagaguhit:	Alim V. Eviota, Mark Lorenz C. Luib, Merlinda W. Malimit, Jay S. Mateo, Adonis P. Umipig, Jubell C. Cababat
Tagalapat:	Nerissa G. Ga, Mark Lorenz C. Luib, Jerson Rod A. Acosta
Tagapamahala:	Francis Cesar B. Bringas Isidro M. Biol Jr. Maripaz F. Magno Josephine Chonie M. Obseñares Lope C. Papeleras

Inilimbag sa:

Department of Education - Caraga Region

Office Address: Teacher Development Center
J.P. Rosales Avenue Butuan City, Philippines 8600
Telefax No.: (085) 342-5969
Email Address: caraga@deped.gov.ph

Edukasyon sa Pagpapakatao

**Ikalawang Markahan–Modyul 21:
Ang Aking Mga Kaibigan**

Paunang Salita

Ang Self-Learning Module o SLM na ito ay maingat na inihanda para sa ating mag-aaral sa kanilang pag-aaral sa tahanan. Binubuo ito ng iba't ibang bahagi na gagabay sa kanila upang maunawaan ang bawat aralin at malinang ang mga kasanayang itinakda ng kurikulum.

Ang modyul na ito ay may inilaang Gabay sa Guro/Tagapagdaloy na naglalaman ng mga paalala, pantulong o estratehiyang magagamit ng mga magulang o kung sinumang gagabay at tutulong sa pag-aaral ng mga mag-aaral sa kanilang tahanan.

Ito ay may kalakip na paunang pagsusulit upang masukat ang nalalaman ng mag-aaral na may kinalaman sa inihandang aralin. Ito ang magsasabi kung kailangan niya ng ibayong tulong mula sa tagapagdaloy o sa guro. Mayroon ding pagsusulit sa bawat pagtatapos ng aralin upang masukat naman ang natutuhan. May susi ng pagwawasto upang makita kung tama o mali ang mga sagot sa bawat gawain at pagsusulit. Inaasahan namin na magiging matapat ang bawat isa sa paggamit nito.

Pinapaalalahanan din ang mga mag-aaral na ingatan ang SLM na ito upang magamit pa ng ibang mangangailangan. Huwag susulatan o mamarkahan ang anumang bahagi ng modyul. Gumamit lamang ng hiwalay na papel sa pagsagot sa mga pagsasanay.

Hinihikayat ang mga mag-aaral na makipag-ugnayan agad sa kanilang guro kung sila ay makararanas ng suliranin sa pag-unawa sa mga aralin at paggamit ng SLM na ito.

Sa pamamagitan ng modyul na ito at sa tulong ng ating mga tagapagdaloy, umaasa kami na matututo ang ating mag-aaral kahit wala sila sa paaralan.



Alamin

Besh, Sissy, Bro, Brad! Ito rin ba ang tawagan mo at ng iyong katoto? Paano mo malalaman na ang isang tao ay tinuturing kang tunay na kaibigan? Ikaw ba ay may makabuluhang natutuhan mula sa iyong pakikipagkaibigan?

Tulad mo, ang lahat ng tao ay hindi nabubuhay para mag-isa, maliban sa pamilyang kasa-kasama nangangailangan ang tao ng matatakbuhan, masasandalan, at mababahagian ng kaniyang mga hinanakit sa buhay. Sila ang tinatawag nating “kaibigan”.

Sa modyul na ito matutuhan mo at lilinangin ang kasanayang pampagkatuto na:

- a. Natutukoy ang mga taong itinuturing niyang kaibigan at ang mga natutuhan niya mula sa mga ito. (EsP8-IIc-6.1)



Subukin

Maraming Pagpipilian

Panuto: Basahing mabuti ang bawat tanong o sitwasyon at piliin ang tamang sagot. Titik lamang ang isulat sa sagutang papel.

1. Paano naipapakita ang pagiging tunay na kaibigan?
 - A. Kapag kinikilingan niya ang iyong kamalian.
 - B. Sa pamamagitan ng pagtulong sa gawain sa paaralan.
 - C. Sa pamamagitan ng pakikiramay sa oras ng kagipitan.
 - D. Kapag siniwalat niya lahat ng iyong nakatagong sekreto.
2. Ano ang dapat na maging batayan sa pagkakaroon ng tunay kaibigan?
 - A. kasikatan
 - B. kapangyarihan
 - C. pera at kayamanan
 - D. mabuting pag-uugali
3. Nangunguna sa klase si Glen, kung kaya't lahat ng mga gawain sa paaralan ay siya parati ang nakakukuha ng pinakamataas na marka. Likas na rin sa kaniya ang pagtulong sa mga nahihirapang kaibigan at kaklase, dahil dito siya ay hinahangaan ng lahat. Batay sa sitwasyon, anong indikasyon ito ng isang kaibigan?
 - A. pagiging maarte
 - B. sariling kasiyahan
 - C. pagiging matulungin
 - D. pagpapakita ng kabutihan
4. Alin sa sumusunod ang dapat ituring mong kaibigan?
 - A. maalaga
 - B. pasaway
 - C. may mabuting kalooban
 - D. nariyan lang kapag may kailangan
5. Nakakaangat sa buhay ang kalagayan ni Nina. Kung kaya't naging takbuhan siya ng kaniyang kaibigan na si Beth sa tuwing ito'y nagigipit. Palaging inuunawa ni Nina ang paglapit ng kaniyang kaibigan. Anong indikasyon ng isang tunay na kaibigan ang pinapakita ni Nina?
 - A. pagiging sosyal
 - B. pagiging mayabang
 - C. pagiging makasarili
 - D. pagiging maunawain

6. Matalik na magkaibigan sina Vengie at May, lahat ng lihim ng bawat isa ay alam nila. Kailanman ay hindi nila pinagkakaisahan ang sino man sa kanila. Anong indikasyon ng isang tunay na kaibigan ang kanilang pinapakita sa isa't isa?
 - A. pagiging sakim
 - B. pagiging masipag
 - C. pagiging matapat
 - D. pagiging matiyaga
7. Ano ang maidudulot ng isang tunay na kaibigan sa buhay ng kaniyang kaibigan?
 - A. pagkabigo sa buhay
 - B. pansariling kasiyahan
 - C. pangmatagalang pagkakaibigan
 - D. walang hanggang epekto sa buhay
8. Bakit mahalagang isaalang-alang ang kabutihan ng isang tao sa pagiging kaibigan?
 - A. upang maging malalim ang samahan
 - B. dahil ito ang naayon sa pakikipagkaibigan
 - C. dahil ito ay kwalipikasyon sa isang kaibigan
 - D. upang maging makabuluhan ang pagkakaibigan
9. Parating kinukumusta at binibisita ni Janet ang kaniyang matalik na kaibigan sa tuwing ito'y may masamang karamdaman. Anong indikasyon sa isang tunay na kaibigan ang pinapakita ni Janet?
 - A. pagiging masinop
 - B. pagiging magalang
 - C. pagiging maalaga
 - D. pagiging mapagmataas
10. Anong katangian ng isang tunay na kaibigan ang nararapat na pamarisan?
 - A. pagpapakita ng pagkainggit sa iba
 - B. pagpapakita ng pagiging matapang sa kapwa
 - C. pagpapakita ng pagkamagagalitin sa kapwa
 - D. pagpapakita ng mabuting kalooban sa lahat ng pagkakataon
11. Alin sa sumusunod na paglalarawan ang maihahalintulad sa isang kaibigan?
 - A. isang sakit
 - B. isang yaman
 - C. isang kapangyarihan
 - D. isang kamangmangan

12. Alin sa sumusunod na sitwasiyon ang nagpapakita ng pagiging tunay na kaibigan?
- A. Nagagalit si Arnie tuwing naaaliw si Rea kasama ang iba niyang kaibigan
 - B. Palaging sinasamahan ni Bea si Alaiza dahil alam niyang matutulungan siya nito sa kaniyang mga proyekto.
 - C. Hinikayat ni Louie ang kaibigang si Lou na magsinungaling sa kaniyang magulang para makasama ito sa kanilang lakad.
 - D. Tuwing hapon ay tinutulungan ni Lea si Aiza sa pagtitinda ng balot upang maibili ng gamot ang nanay nitong may sakit.
13. Alin sa mga sumusunod ang nakakatulong sa pagpapatatag ng pagkakaibigan?
- A. pera't kayamanan
 - B. pagmamahal at respeto
 - C. kagandahan at kasikatan
 - D. kasiyahan at pangangailangan
14. Pinapahalagahan ni Rina at Kim ang kanilang pagkakaibigan kung kaya iniwasan nila ang makapagbitaw ng masasakit na salita kahit na minsan ay may hindi sila pagkakaintindihan sapagkat iginagalang nila ang bawat isa. Anong katangian ng magkakaibigan ang pinapakita ng dalawa?
- A. paggalang sa isa't isa
 - B. pagsabi ng totoo sa isa't isa
 - C. pagsawalang bahala sa nararamdaman
 - D. pagpapatibay at pagpapahalaga sa samahan nila
15. Ano ang dapat gawin sa mga natutuhan mula sa iyong pakikipagkaibigan?
- A. ipagsawalang bahala
 - B. ipagmalaki sa kapwa
 - C. isabuhay at pakaingatan
 - D. isabuhay at pagyamanin

Aralin

1

Ang Aking Mga Kaibigan

“Sa pagiging totoo at matulungin nasusukat ang tunay na pagkakaibigan”

-Anonymous



Balikan

Gawain 1: Natutuhan Mo, Ilapag Mo!

Panuto: Bilang kabataan, magtala ng mga gawaing tutugon sa pangangailangan ng mga mag-aaral sa paaralan at pamayanan sa aspektong intelektwal, panlipunan, pangkabuhayan at pulitikal. Isulat ang sagot sa sagutang papel.

Intelektwal	Panlipunan	Pangkabuhayan	Pulitikal



Mga Tala para sa Guro

Kung matagumpay na naisagawa ng bata ang gawaing nasa **Balikan** ay hayaan siyang magpatuloy sa kasunod na gawain. Kung hindi naman, pabalikan ang sinundang modyul.



Tuklasin

Gawain 2: Akrostik Ko, Damhin Mo!

Panuto: Basahin ang akrostik at pagnilayan ang mga gabay na tanong.

K-apanalig sa anumang hamon na dumating sa buhay.

A-akay sa iyo sa mabuting landas.

I-sang indibidwal na naging sandalan mo sa lahat ng oras.

B-ibigyan ka ng karanasang hindi mo malilimutan.

I-nspirasyon kung ituring ninuman.

G-inugulan ng halos buong kuwento ng iyong buhay.

A-alalay sa iyong pagkamit ng mithiin at tagumpay.

N-aging katuwang mo sa anumang uri ng karanasang napagdaanan.

Gabay na tanong:

1. Ano ang mensahe ng akrostik na iyong binasa?
2. Mayroon ka bang kaibigan?
3. Bakit itinuring mo siyang kaibigan?



Suriin

Napaisip ka rin ba kung bakit mo itinuturing na kaibigan ang iyong katoto o hindi kaya, kung bakit ka nila itinuturing na kaibigan?

Kung babalikan natin ang akrostik sa bahaging ***Tuklasin***, inilarawan nito ang isang kaibigan. Sila ang mga taong naging kapanalig, totoo at maaaring isa sa mga inspirasyon natin sa buhay. Halimbawa, popular na sa mga kabataang kagaya mo ang paramihan ng kaibigan sa iba't ibang *social media site* ngunit napansin mo ba na sa higit 1,000 na kaibigan mo sa *virtual world* ay bumabalik pa rin tayo sa isa o dalawang taong espesyal at kapalagayang loob na natin. Malaya tayong nakapagpapahayag ng ating damdamin, saloobin at mga pangarap kasama ang mga taong ito.

Maituturing din natin na ang isang tao ay kaibigan kung taglay at naramdaman natin sa kanila ang mga sumusunod;

- a. pagkakasundo sa mga maraming bagay o pagkakataon;
- b. pag-aalaga at pag-aalala sa isa't isa;
- c. pag-unawa sa saloobin o damdamin ng bawat isa;
- d. pagkakaroon ng katapatan; at
- e. pakikinig at pagdamay kung kinakailangan.


Sa pangkalahatan, mahalagang taglayin ng dalawang tao ang mga nabanggit na katangian upang mas mapalalim at maging makabuluhan ang pagkakaibigan dahil ito ang nagiging gabay para sa mas matibay at matatag na samahan. Halimbawa, alam mong kahinaan ng iyong kaibigan ang asignaturang Matematika kung kaya magkasabay kayong nag-aaral upang matulungang tumaas ang marka ng iyong kaibigan.

Kung minsan humaharap sa iba't ibang sitwasyon ang tao na sumusubok sa tatag ng pagkakaibigan. Maraming salik ang maaaring makaapekto upang masubok ang relasyon ng dalawang tao gaya ng selos, hindi pagsasabi ng katotohanan atbp. Halimbawa, hindi mo na malayang naiinggit ka na pala sa tagumpay ng iyong kaibigan at ramdam mong walang pagbabago sa iyong buhay dahil nahiihiya ka sa iyong nararamdaman ay mas pinili mong iwasan na lamang siya. Ang nabuong emosyon na ito ay magdudulot ng pagkasira ng pagkakaibigan kung hindi mabibigyang pansin ngunit dahil mahal at pinahahalagahan ka ng iyong kaibigan ay mas pinili nitong kausapin ka upang maayos muli ang inyong relasyon bilang magkaibigan.

Sa realidad, normal lamang ang tampuhan sa magkaibigan at hindi ito dapat ang maging dahilan ng pagkasira ng relasyon. Bagkus, ito pa nga ang dapat na nagpapatatag sa samahan batay na rin sa napupulot na mga aral sa buhay tulad ng:

- a. nagiging matulungin ka sapagkat likas ang pagiging mapagkawanggawa ng iyong katoto.
- b. pinapahalagahan mo ang paggalang dahil iyon ay ipinapakita sa iyo ng iyong kaibigan.
- c. lumalawak ang iyong pag-unawa sa kapwa tao sapagkat ito'y palaging ipinapadama sa iyo ng mga itinuturing mong kaibigan
- d. pinagsisikapan mo ang isang bagay na makamit nang naayon sa wastong pamamamaraan dahil sa impluwensya ng kaibigan.

Ang mga karanasang ito ang nagbibigay sa iyo ng aral na nagsilbing gabay mo sa kasalukuyan. Kung kaya't ang mga natutuhan mula sa iyong pakikipagkaibigan ay nararapat isabuhay at pagkaingatan sapagkat ang makahanap ng matalik na kaibigan ay tulad ng yaman na hindi mababawi ninuman.



Pagyamanin

Gawain 3: Kuwentong Magkaibigan!

Panuto: Basahin at unawain ang maikling teksto. Sagutin ang sumunod na mga tanong. Isulat ang mga sagot sa sagutang papel.

Sabay na lumaki sina Philip at Ken kaya't itinuring nila ang isa't isa bilang kaibigan. Sa bawat gawain sa bahay man o sa paaralan, sila ay nagtutulungan. Nangako sila sa bawat isa na pagbutihin nila ang kanilang mga gawain upang parehong maging matagumpay sa buhay. Naunang nakapagtapos at nagtagumpay si Ken kung kaya't mas naging maayos ang kaniyang kalagayan. Naging *manager* siya sa isang sikat na hotel sa Maynila. Nalaman ito ni Philip at masaya siya sa tagumpay ng kaniyang kaibigang si Ken. Hindi nagtagal ay kinailangan ni Philip na maghanap ng mas maayos na trabaho kaya't naisip niyang sumangguni sa kaniyang kaibigang si Ken. Tuwang- tuwa ang dalawa nang muli silang magkita. Naikuwento ni Philip ang kaniyang naging buhay at hindi nagdalawang isip si Ken na tulungan ang kaniyang kaibigan. Nabigyan niya ito nang maayos na trabaho. Napatunayan ni Philip na ang kaibigan ay palaging nariyan sa anumang hamon ng buhay.

Tanong:

1. Anong katangian ng isang kaibigan ang ipinakita ni Ken?
2. Bakit itinuturing na kaibigan ni Philip at Ken ang isa't isa?
3. Sa kuwento ni Philip at Ken, ano ang aral na nakuha mo tungkol sa pakikipagkaibigan?

Gawain 4: Masubok Nga!

Panuto: Tukuyin kung taglay ba ng tauhan sa sitwasyon ang mga katangian ng maituturing na isang kaibigan. Isulat sa papel ang mga kasagutan.

Matapat Matulungin	Maalaga Maunawain	Maaalahanin Matatag
-----------------------	----------------------	------------------------

1. Binibisita at kinakamusta ni Kate si Linda kapag ito'y may sakit.
2. Madalas na takbuhan ni Abby si Kath kapag ito ay may problema sa gawain tungkol sa pag-aaral.
3. Hindi inililihim ni Ben kay Alex ang kanyang nararamdaman sa tuwing ito'y may kinaiinisan.
4. Ikinasasaya ni Kim ang pakikinig sa mga kuwento ng buhay ni Mike kahit ito'y paulit-ulit.
5. May pagkakataong inuuna ni Lian ang proyekto ni Lance kaysa sa kanya.

Gawain 5. Sitwasiyon Mo, Aral Ko!

Panuto: Batay sa sitwasiyon, tukuyin kung anong aral ang matututuhan sa mga tauhan sa pakikipagkaibigan. Isulat sa papel ang mga kasagutan.


Matagal nang magkaibigan sina Ace at Marco. Isang araw nang papasok sa loob ng klasrum si Marco, ay siya ring pagkarinig mula sa kaklase na hindi umano ay ninakaw ni Ace ang pera ng kaklase. Agad pinuntahan ni Marco si Ace upang alamin ang katotohanan mula sa kaniyang kaibigan.	Anong klaseng kaibigan ang ipinapakita ni Marco sa sitwasiyon? A. pagiging tsimoso B. pagiging malihim C. pagiging matapat D. pagiging madaldal
Nagngingitngit sa galit si Anna nang mabasa niya ang isang <i>post</i> ni Elgen na paninira patungkol sa kanya. Nang akmang lapitan at komprontahin ang naninira sa kanya ay bigla siyang pinigilan ni Kristine at pinayuhan na huwag makipag-away, maging mahinahon at makipag-usap nang masinsinan sa kaklase para maliwanagan.	Ano ang posibleng matutuhan ni Anna sa ginawa ng kaibigang si Kristine? A. makipag-away B. maging matapang C. maging mahinahon D. magkibit balik at nalang
Matalik na magkaibigan sina Andre at James na magkasundo sa halos lahat ng bagay. Isang araw, habang naghahanda	Ano ang matututuhan ni Andre sa ginawa ng kaibigang si James?

<p>sa papalapit na Ikalawang Markahang Pagsusulit sa asignaturang ESP-8 ay gumawa ng kodigo si Andre. Sa araw ng mismong pagsusulit ay aksidenteng nahulog ni Andre ang kodigo at nakita ng kaibigang si James kaya dali-daling kinuha ang kodigo at itinapon sa basurahan. Pinayuhan niya ang kaibigan na huwag ituloy ang binabalak na pandaraya at sa halip mag-aral na lang nang mabuti.</p>	<p>A. pagiging mandaraya B. pagiging madiskarte C. palaasa sa kaibigan D. pagiging matapat</p>
<p>Halos magkapatid na ang turingan nina Albert, Mike at Mark kaya't iisa ang kanilang kinahihiligang laro na basketbol. Habang papunta sila sa paaralan, napahinto sila sa tapat ng <i>basketball court</i>, biglang nagyaya si Mark sa dalawang kaibigan na liliban sa klase sa araw na iyon at maglaro na lang. Subalit, tumutol ang dalawa sa nais ni Mark at sinabing sa susunod na lamang sila maglalaro kapag walang pasok.</p>	<p>Ano ang matututuhan ni Mark sa sinabi ng kaniyang mga kaibigan? A. pagiging pasaway B. pagiging bulakbol sa klase C. pagpapahalaga sa pag-aaral D. pagiging mahusay na manlalaro</p>
<p>Napag-isip-isip ni Angel na sasagutin na si Jake dahil matagal na itong nanligaw sa kanya ngunit mahigpit na ipinagbiling kaniyang mga magulang na huwag munang makipagrelasyon. Nang ipinagtapat niya sa kaibigang si Jane ang kaniyang balak ay pinayuhan siya na unahin ang pag-aaral at huwag suwayin ang bilin ng mga magulang. Kaya napagtanto niya na tama ang kaibigan.</p>	<p>Ano ang maaaring mangyari sa buhay ni Angel kung susundin niya ang payo ng kaibigang si Jane? A. mapariwara B. makapagtrabaho C. magtatagumpay sa pag-aaral D. walang mararating sa buhay</p>



Panuto: Gamit ang mga salita sa *wordle*, bumuo ng isang talata tungkol sa pakikipagkaibigan at mga aral na napulot mula rito. Isulat ang sagot sa sagutang papel.

CO_Q2_ESP 8_Modyul 21



Isagawa

Gawain 7: Kaibigan ko, Matutukoy Ko!

Panuto: Sundin ang magkasunod na pamamaraan upang matukoy ang iyong mga kaibigan. Isulat ang kasagutan sa sagutang papel.

1. Suriin ang mga itinuturing mong kaibigan.
2. Isulat ang kanilang pangalan sa unang hanay.
3. Lagyan ng tsek ang ikalawa hanggang ikalimang hanay kung alin sa katangian ng isang kaibigan ang tinataglay nito.
4. Sa huling hanay, ilahad ang natutuhan mo mula sa bawat kaibigan.

Pangalan ng Kaibigan	Magkasamang paggawa ng isang bagay o gawain/Pagiging Matulungin	Pagiging Matapat	Pag-aalaga sa isa't isa/Pagiging maalala-hanin	Pag-unawa sa saloobin o damdamin ng bawat isa/maunawain	Ang iyong natutunan mula sa kanila



Tayahin


Maraming Pagpipilian.

Panuto: Basahing mabuti ang bawat tanong o sitwasyon at piliin ang tamang sagot.
Titik lamang ng tamang sagot ang isulat sa sagutang papel.

1. Alin sa sumusunod na paglalarawan ang maihahalintulad sa isang kaibigan?
 - A. isang sakit
 - B. isang yaman
 - C. isang kapangyarihan
 - D. isang kamangmangan
2. Paano Alin sa sumusunod na sitwasyon ang nagpapakita ng pagiging tunay na kaibigan?
 - A. Nagagalit si Arnie tuwing naaaliw si Rea kasama ang iba niyang kaibigan
 - B. Palaging sinasamahan ni Bea si Alaiza dahil alam niyang matutulungan siya nito sa kanyang mga proyekto.
 - C. Hinikayat ni Louie ang kaibigang si Lou na magsinungaling sa kanyang magulang para makasama ito sa kanilang lakad.
 - D. Tuwing hapon ay tinutulungan ni Lea si Aiza sa pagtitinda ng balot upang maibili ng gamot ang nanay nitong may sakit.
3. Alin sa mga sumusunod ang nakakatulong sa pagpapatatag ng pagkakaibigan?
 - A. pera't kayamanan
 - B. pagmamahal at respeto
 - C. kagandahan at kasikatan
 - D. kasiyahan at pangangailangan
4. Pinapahalagahan ni Rina at Kim ang kanilang pagkakaibigan kung kaya iniawasan nila ang makapagbitaw ng masasakit na salita kahit na minsan ay may hindi sila pagkakaintindihan sapagkat iginagalang nila ang bawat isa. Anong katangian ng magkakaibigan ang pinapakita ng dalawa?
 - A. paggalang sa isa't isa
 - B. pagsabi ng totoo sa isa't isa
 - C. pagsawalang bahala sa nararamdaman
 - D. pagpapatibay at pagpapahalaga sa samahan nila

5. Ano ang dapat gawin sa mga natutunan mula sa iyong pakikipagkaibigan?
- A. Ipagsawalang bahala
 - B. Ipagmalaki sa kapwa
 - C. isabuhay at pakaingatan
 - D. isabuhay at pagyamanin
6. Matalik na magkaibigan sina Vengie at May, lahat ng lihim ng bawat isa ay alam nila. Kailanman ay hindi nila pinagkakaisahan ang sino man sa kanila. Anong indikasyon ng isang tunay na kaibigan ang kanilang pinapakita sa isa't isa?
- A. pagiging sakim
 - B. pagiging masipag
 - C. pagiging matapat
 - D. pagiging matiyaga
7. Ano ang maidudulot ng isang tunay na kaibigan sa buhay ng kanyang kaibigan?
- A. pagkabigo sa buhay
 - B. pansariling kasiyahan
 - C. pangmatagalang pagkakaibigan
 - D. walang hanggang epekto sa buhay
8. Bakit mahalagang isaalang-alang ang kabutihan ng isang tao sa pagiging kaibigan?
- A. upang maging malalim ang samahan
 - B. dahil ito ang naayon sa pakikipagkaibigan
 - C. dahil ito ay kwalipikasyon sa isang kaibigan
 - D. upang maging makabuluhan ang pagkakaibigan
9. Parating kinumumusta at binibisita ni Janet ang kanyang matalik na kaibigan sa tuwing ito'y may masamang karamdaman. Anong indikasyon sa isang tunay na kaibigan ang pinapakita ni Janet?
- A. pagiging masinop
 - B. pagiging magalang
 - C. pagiging maalaga
 - D. pagiging mapagmataas
10. Anong katangian ng isang tunay na kaibigan ang nararapat na pamarisan?
- A. pagpapakita ng pagkainggit sa iba
 - B. pagpapakita ng pagiging matapang sa kapwa
 - C. pagpapakita ng pagkamagagalitin sa kapwa
 - D. pagpapakita ng mabuting kalooban sa lahat ng pagkakataon

11. Paano naipapakita ang pagiging tunay na kaibigan?
- A. Kapag kinikilingan niya ang iyong kamalian.
 - B. Sa pamamagitan ng pagtulong sa gawain sa paaralan.
 - C. Sa pamamagitan ng pakikiramay sa oras ng kagipitan.
 - D. Kapag siniwalat niya lahat ng iyong nakatagong sekreto.
12. Ano ang dapat na maging batayan sa pagkakaroon ng tunay kaibigan?
- A. kasikatan
 - B. kapangyarihan
 - C. pera at kayamanan
 - D. mabuting pag-uugali
13. Nangunguna sa klase si Glen, kung kaya't lahat ng mga gawain sa paaralan ay siya parati ang nakakukuha ng pinakamataas na marka. Likas na rin sa kanya ang pagtulong sa mga nahihirapang kaibigan at kaklase, dahil dito siya ay hinahangaan ng lahat. Batay sa sitwasyon, anong indikasyon ito ng isang kaibigan?
- A. pagiging maarte
 - B. sariling kasiyahan
 - C. pagiging matulungin
 - D. pagpapakita ng kabutihan
14. Alin sa sumusunod ang dapat ituring mong kaibigan?
- A. maalaga
 - B. pasaway
 - C. may mabuting kalooban
 - D. nandyan lang kapag may kailangan
15. Nakakaangat sa buhay ang kalagayan ni Nina. Kung kaya't naging takbuhan siya ng kanyang kaibigan na si Beth sa tuwing ito'y nagigipit. Palaging inuunawa ni Nina ang paglapit ng kanyang kaibigan. Anong indikasyon ng isang tunay na kaibigan ang pinapakita ni Nina?
- A. pagiging sosyal
 - B. pagiging mayabang
 - C. pagiging makasarili
 - D. pagiging maunawain




Karagdagang Gawain

Gawain 8: Idaan sa Tula!

Panuto: Sumulat ng sariling tula tungkol sa iyong mga kaibigan at aral na napulot mula sa pagkakaibigan.

Rubrik sa pagsulat ng tula

Pamantayan	Napakahusay (10 puntos)	Mahusay (8 puntos)	Nangangailangan ng Pag-unlad (5 puntos)
Nilalaman	Naglalaman ng paglalarawan sa katangian ng kaibigan at nakalahad ng 5 aral sa pagkakaibigan	Naglalaman ng paglalarawan sa katangian ng kaibigan at nakalahad ng 3 aral sa pagkakaibigan	Naglalaman ng paglalarawan sa katangian ng kaibigan at nakalahad ng 2 aral sa pagkakaibigan
Kaanyuan ng tula	Nasa Malaya o tradisyunal na anyo ang tula at binubuo ng 4 na saknong na may 4 na taludtod	Nasa Malaya o tradisyunal na anyo ngunit ang tula at binubuo lamang ng 3 saknong na may 4 na taludtod	Nasa Malaya o tradisyunal na anyo ngunit ang tula at binubuo lamang ng 2 saknong na may 4 na taludtod
Kabuuan			



Susi sa Pagwawasto

<p>Tayahin</p> <p>1.D 2.D 3.B 4.A 5.D 6.D 7.C 8.D 9.C 10.A 11.A 12.A 13.A 14.C 15.B</p>	<p>Pagpamalin</p> <p>Gawain 3</p> <p>1. matulungin na kaibigan 2. magkababata sila at nagtutulungan sa isa't isa 3. huwag mahiyang lumapit sa kibigan kung may problema Huwag mag-atubiling tumulong kung may kakayahang tumulong</p> <p>Gawain 4</p> <p>1. MALAGA 2. MATULUNGIN 3. MATAPAT 4. MAUNAWAIN 5. MATULUNGIN</p> <p>Gawain 5</p> <p>1. C 2. C 3. D 4. C 5. C</p>	<p>Subukin</p> <p>1. B 2. D 3. D 4. D 5. D 6. C 7. D 8. D 9. C 10. A 11. C 12. D 13. B 14. C 15. D</p>
--	--	---

Sanggunian

Aklat

Bognot, Regina et.al. *Edukasyon sa Pagpapakatao Modyul para sa Mag-aaral*. 5th Floor Mabini Building, Meralco Avenue, Pasig City, 2014.

Para sa mga katanungan o puna, sumulat o tumawag sa:

Department of Education - Bureau of Learning Resources (DepEd-BLR)

Ground Floor, Bonifacio Bldg., DepEd Complex
Meralco Avenue, Pasig City, Philippines 1600

Telefax: (632) 8634-1072; 8634-1054; 8631-4985

Email Address: blr.lrqad@deped.gov.ph * blr.lrpd@deped.gov.ph